

*Procuracion faite par monsieur
desdiguieres a monsieur belujon de
prendre pocession po(ur) luy de
lad(ite) place de vil(l)emur ... clxxxv*

clxxxv /

A tous ceulx qui ces p(rese)ntes l(ett)res verront jacques
d()aumont chevallier sieur et baron de chappes seigneur
de clairay saint pars ville moyenne et courbetous
gentilhomme ordinaire de la chambre du roy cappitaine
de cinquante hommes armes des ordonnances de sa majeste
son chambellan ordinaire et garde de la prevoste de paris
salut scavoir faisons que par devant claude de riges
et pierre de bricque notaires du roy no(tr)e()d(it) sieur en son
chastellet de paris soubz signes feust p(rese)nt et compareust
personnellement messire **francois de bonne seigneur
desdiguieres viconte de villemeur** et estant de p(rese)nt
**en ceste ville de paris loge rue des poullies parroisse
saint germain de lauxerrois lequel a fait et
constitue son procureur general especial noble
daniel de bellujon** auquel il a()donne et donne
pouvoir et plaine puissance **de prendre possession**
realle et actuelle **des ville ch(ate)au et viconte de villemeur
ses appartenances et deppendances** ^° et conformement
au contract d acqui(siti)on qu()il en a fait de la ma(jes)te
du roy par contract passe en la ville de rouen
le jour de dernier passe

^° suyvant

.....

ce fait avoir l'oeil a la garde et conserva(ti)on desd(its) lieux
bailler a tiltre de ferme loyer d()argent mai(s)on de
grain ou au(tr)e revenu a telle personne ou personnes
et pour tel temps pris et a telles charges et condi(ti)ons
q(ue) icelluy son procureur advisera bon estre les fermes
metairies terres et deppendances de lad(ite) viconte recepvoir
les fruictz deniers et revenus d()iceulx ou continuer
les baulx quy en peuvent estre faitz a ceulx quy
les dettiennent a p(rese)nt faire garder et observer la
justice y comettre et (e)stablir telz juges lieutenans
procureurs greffiers sergens et au(tr)es officiers
qu()il appartiendra y continuer ceulx quy y sont
a p(rese)nt s()il voict et cuide que bon soict ou en leur
lieu y en comettre et (e)stablir d()au(tr)es susfizans
et cappables faire fere pappiers terriers declaira(ti)ons

et recognoissan(ces) des droictz appartenans a lad(ite) viconte
par les debiteurs d()iceulx les constraindre au
payement de ce q(u'i)lz debvront et de ce qu()ilz pourront
debvoir cy apres recepvoir ce qu()ilz doibvent et debvront

.....

clxxxvi

ensamble les droictz de phiefz lo(d)z ventes
aubeynes amandes et confisca(ti)ons qui pourront
eschoir et appartenir aud(it) sieur constituant et d()iceulx en
echevir composer et remettre a telles sommes de
deniers charges et conditions que sond(it) procur(eur) advisera
recepvoir tous vassaulx en foy et hommage et recepvoir
tous droictz de reliefz et de lotz et ventes faire tous
ensaisinemens d acqui(siti)ons quy seront faictes par aulcungz
particuliers poursuivre et constraindre toutes [per]sonnes
tant publicques q(ue) particulieres quy auroient en
leur possession tiltres pappiers adveuz et desnombrement
terriers et pappiers de recepte declara(ti)ons et au(tr)es
concernans le revenu de lad(ite) terre a en faire
delivrem(ent) aud(it) s(ieu)r constituant et sur tout
faire et passer telz actes quittances et contractz
qu()il appartiendra et sy besoing est pour rai(s)on
de ce q(ue) dessus [par] quy en deppend plaider pour
led(it) sieur constituant en toutes et chacunes
ses causes tant meues q(ue) a mouvoir tant en

.....

demandant q(ue) desfendant et ce par devant tous
juges et toutes courtz et lieux q(u'i)l appartiendra
sa [per]sonne rep(rese)nter e(t) ses droictz garder oppozer
en tous cas et a toutes fins appeller de toutes
sentences jugemens tortz et griefz l appel et
appeaulx rellever interjecter ou y renoncer sy
besoing est et mestier et eslire domicile
par sond(it) [pro]cur(eur) en tel lieu q(ue) bon luy semblera
suyvant l()ordonnan(ce) e(t) substituer ung ou plusieurs
procure(urs) quant au fait et ordre de plaiderie seullem(en)t
et oultre donne pouvoir e(t) puissance a sondict
[pro]cureur de prendre ou emprunter
d()une ou plusieurs [per]sonnes telles q(ue) sondict
procur(eur) advisera jusques a la somme de vingt cinq mil
ecuz d()or sol soit a()prest ou constitu(ti)on de rente au
denier doutze et au payement d()icelle()somme aux
termes q(ue) seront donnees et au payem(ent) et continua(ti)on
de la rente y obliger led(it) sieur constituant avec
tous et chacungz ses biens terres et seigneuries

.....

clxxxvii

tant en avant que le cas le requera et q(ue) sondic[t]
[pro]cur(eur) les declarera par le menu et en passer telle[...]
obliga(ti)ons et constitu(ti)ons q(ue) besoing sera ensemble [...]
promesse d()acquiter ceulx quy s()obligeront po(ur) led(it) s(ieu)r
constituant au payement desd(ites) sommes et iceulx deniers
quy seront ainsy emprumptes par sond(it) procur(eur) les convertir
et employer au nom dud(it) s(ieu)r constituant au payement
et remboursem(ent) q(u'i)l luy convient faire de ladicte
viconte terre et seigneurie de villemeur selon et au
desir du contract de ce fait par sad(ite) ma(jes)te et
generallem(ent) d()aultant faire dire [pro]curer negotier en ce
q(ue) dict est et quy en deppend comme feroict et faire pour
led(it) seigneur constituant sy p(rese)nt en sa [per]sonne y
estoict jacoit q(ue) le cas requist mandem(ent) plus special
promettant led(it) s(ieu)r constituant avoir po(ur) agreable a
tousiours tout ce q(ue) par sond(it) procur(eur) sera fait dict ger[e]
et negocie en vertu de cesd(ites) p(rese)ntes et deppendences
d()icelle soubz l()obliga(ti)on de tous et chacungz ses biens
meubles et immeubles p(rese)ns et advenir et paier l adjudg[...]
sy mestier est en tesmoing de ce nous a()la

.....
rela(ti)on desd(its) notaires avons fait mettre le scel de
lad(ite) prevoste de paris a()cesd(ites) p(rese)ntes l(ett)res q(ue) feurent
faites et passees en la mai(s)on et castel de]sautz[saulxsoy
a()**paris rue des poullies parroisse s(ain)t germain de
l auxerrois le dix()septiesme jour de febvrier l an mil cinq
cens quatre vingt dix sept** et a led(it) s(ieu)r constituant
signe la minutte des p(rese)ntes avec lesdits) noter(es) soubz(sig)nes
laquelle minutte est dem(e)uree par()devers et en la
possession dud(it) de bricquet l ung desd(its) noter(es) soubz(sig)nes
et cy devant nommes de()riges de()briquet ainsin
signes au grossoye

Tire a son original coll(ati)on [par]no(u)s
not(air)es r(o)yalx de mon(taub)an so(u)bz(sig)nes led(it)
original remis devers n(o)s et apres
retire par ledit s(ieu)r de bellujon proc(ureur)
susd(it)

De rey, not(aire) r(o)yal

Delafont, not(aire) r(o)yal